



UNIVERSITÄTS-
BIBLIOTHEK
PADERBORN

Davidis Regii Prophetae Psalterium

Moritz <Hessen, Landgraf>

Smalcaldiae, 1593

VD16 B 3258

Psalmvs XXII. Deus meus, Deus meus, &c.

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

*Sic nos virtutem Domini celebrabimus, atq;
Dulcia dicemus carmina, corde pio.*

PSALMVS XXII.

Deus meus, Deus meus, &c.

MI Deus atq; Pater, cur me sic deseris oro?
Qua tibi dilecti te nunc obliuio cepit
Tanta, tibi lacrymas ut fundam semper inanes?
Quot gemitus edo, quos non tua percipit auris?
Me clamante dies totos, tua surduit auris,
Nocte precor tota, precibus nec flecteris ullis.
Attamen es sanctus, Judae gloria gentis,
Et laus Isacidum, tu sancta in sede moraris.
In te maiores nostri posuere salutis
Auxilium, & praesens per te sensere leuamen.
Tu Deus orantum Patrum tunc certa fuisti,
Et sperata salus, quod eos pius atq; benignus
Auxilio forti recreasti tempore duro.
Ast ego non homo sum, sed vermis, fabula vulgi,
Ludibrium mundi, populorum risus in ore,
Gentibus opprobrium cunctis, nota faeda malignis.
Omnibus aspectu turpis, contemptus ab omni
Turba hominum, qua me vexat sparsa ore, caputq;
Infantum

Infantum mouet, & naso suspendit adunco,
Addit & has voces blasphemias: liberet ipsum,
Eripiatq; malis Dominus, quem iactitat, vni
Cui se committit totum, si diligit illum.
Tunc quoq; cum grauida matris gestarer in aluo,
Cū genitrix aleret me lacte, ego semper honorans,
Sancte Pater, verè colui te, semper adhæsi
A teneris tibi, sacratus tibi ab ubere matris.
Ne, Deus, hinc absis longè, me a fata propinquāt,
Præter te non est, qui possit ferre salutem.
Me cinxere feri & meditantes prælia tauri
Cornibus atq; boues palearia pendula habentes.
Utq; Leoninus sitiens præda atq; cruoris,
Sic patet illorum rictus, minitans mihi mortem.
Sicut aqua fluxus sicca absorbetur arena,
Sic vires roburq; meum contabuit omne.
Utq; calore ignis mollescens cera liquefcit,
Sic mærore graui cor, pectus & ossa fatiscunt.
Arescuntq; meæ vires ceu fictilis olla,
Linguaq; præ siccis sitibunda in faucibus hæret.
Insuper & gelida mortis me puluere condis.
Circumsederunt me pessima turba, molossi,
Vulnificis fodere manusq; pedesq; terebris.

Ossa ego dinumerem, & costas compage solutas.
Partiti rapiunt mea vestimenta maligni.
Qua superest, tunicam malunt exponere sorti.
Actu, summe Pater, ne iam discesseris a me,
Auxilio propera, mea spes, mea saxea rupes.
A gladio hanc animam seui defende Tyranni,
A canibus profugum me per deserta secutis,
Eripe me miserum cruda de fauce leonis.
Et compefce feras cornu unum in fronte gerentes.
Nomina sancta meis narrabo fratribus, & te
Laudibus extollam, est ubique Ecclesia sancta.
Voce pia celebrate Deum, venerabile numen,
Israelitico cuncti de semine nati.
Carminibus laudate Dei admirabile nomen,
Posteritas Dominum celebret de stirpe Iacobi.
Non etenim Dominus lacrymas contempsit egeni,
Nec repulit miseros, faciemque abscondit ab illis.
Sed cum pauper opem peteret, tum exaudivit illum.
In celebri cœtu Domini preconia pandam,
Et mea cum iustis solvam pia vota Iehoua.
Tu satias miseros larga bonitate, piosque
Vbertate beas, qui te venerantur honore.
Æternisque bonis auget, dans vivere in ævum:

Quo

Quo referant grates, & quot tibi iubila cantent.
Gloria summa Dei toto celebretur in orbe,
Et Dominū mundi quocunq; in cardine, adorēt,
Atq; colant sparsa curuato poplite gentes,
Namq; potēs Domini regnum et firmissima sedes,
Ipsius imperium est, populos virtute regentis.
Te celebrent omnes, qui gustant pingua terra,
Te celebret diues, te pronus pauper adoret,
Posteritas tibi sera sonet pia cantica laudes,
Secla futura tuas, his qui nascentur ab illis,
Iusticiam vt norint, mirandaq; facta lehoua,
Vtq; canat, quis sit Dominus, ventura propago.

PSALMVS XXIII.

Dominus Pastor meus, &c.

ME pascit Dominus, fouet & me protegit ille,
Qua cor pauperies terreat ergo meum.
Ad viridis ducit me dulcia gramina campi,
Potat & illimi fonte salubris aqua.
Languentem recreans animam, me tramite recto
Dirigis, ob nomen, sancte lehoua, tuum.
Verser & in tenebris licet ac caligine mortis,
Terrorem incutient nulla pericla mihi.

F 3

Namq;